

**ხელშეკრულება სახელმწიფო
შესყიდვის შესახებ
ე.ტ. N 162 -19**

ქ. თბილისი

16 აგვისტო, 2019 წელი

ერთი მხრივ, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი, წარმოდგენილი დეპარტამენტის თავმჯდომარის მოადგილის, ალექსანდრე თევდორაძის სახით (შემდგომში - შემსყიდველი),

მის: ქ. თბილისი, ალ. ყაზბეგის გამზ. №12
საიდენტიფიკაციო კოდი: 211 343 982
საბანკო რეკვიზიტები: სახელმწიფო ხაზინა
ბანკის კოდი: TRESGE22
ანგარიშის ნომერი: GE 24 NB 0330 1002 0016 5022

და მეორე მხრივ, შპს კაპიტელი, წარმოდგენილი მისი დირექტორის, იაკობ ძიგუას სახით (შემდგომში - მიმწოდებელი),

მის: ქ. თბილისი, შარტავას 14
საიდენტიფიკაციო კოდი: 404 974 024
საბანკო რეკვიზიტები: სს „ლიბერთი ბანკი“
ბანკის კოდი: LBRTGE
ანგარიშის ნომერი: GE 10 LB 0113 1192 5672 2000

თითოეული ცალ-ცალკე წოდებული, როგორც „მხარე“ და ერთობლივად წოდებულნი, როგორც „მხარეები“, „სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერი აუქციონის გარეშე (NAT190013808) საფუძველზე, ვდებთ ხელშეკრულებას (შემდგომში - ხელშეკრულება) შემდეგზე

მუხლი 1. შესყიდვის ობიექტი

1. ხელშეკრულების ობიექტს წარმოადგენს საქართველოს საავტომობილო გზების დეპარტამენტის თბილისის შენობის მოწყობის სამუშაოების შესყიდვა, თანდართული დანართების შესაბამისად.
2. ამ მუხლის პირველი პუნქტით გათვალისწინებული შესყიდვის ობიექტის CPV კოდებია: 45450000 - შენობის მოწყობის სხვა სამუშაოები.

მუხლი 2. ხელშეკრულების ღირებულება

ხელშეკრულების ღირებულება შეადგენს 45 756.86 (ორმოცდახუთი ათას შვიდას ორმოცდათექვსმეტი ლარი და ოთხმოცდაექვსი თეთრი) ლარს, საქართველოს კანონმდებლობით გათვალისწინებული გადასახადების ჩათვლით.

მუხლი 3. შესყიდვის სამუშაოების გაწევის ვადა და ადგილი

1. მიმწოდებელი ვალდებულია, შესყიდვის სამუშაოების დასრულება განახორციელოს ხელშეკრულების გაფორმებიდან არაუგვიანეს 60 (სამოცი) კალენდარული დღის განმავლობაში.
2. შესყიდვის სამუშაოები, ხორციელდება შემსყიდველის ადგილსამყოფელის მიხედვით, რომელიც გათვალისწინებულია ხელშეკრულებით.

მუხლი 4. ანგარიშსწორების წესი

1. ხელშეკრულების მე-2 მუხლში განსაზღვრული ხელშეკრულების ღირებულება მოცემულია შესყიდვის სამუშაოების გაწევასთან დაკავშირებული მიმწოდებლის ყველა სახის ხარჯისა და საქართველოს კანონმდებლობით გათვალისწინებული გადასახადების ჩათვლით.
2. ხელშეკრულების ფარგლებში ანგარიშსწორება ხორციელდება საქართველოს ეროვნულ ვალუტაში. ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

4. გაუთვალისწინებელი სამუშაოების თანხების ხარჯვა მიმწოდებლის მიერ მოხდება აუცილებლობიდან გამომდინარე, შემსყიდველთან შეთანხმებით.

მუხლი 5. შესყიდვის სამუშაოების მიღება-ჩაბარების წესი

1. მიმწოდებლის მიერ ნაკისრი ვალდებულებების შესრულება დასტურდება მხარეთა შორის მიღება-ჩაბარების აქტების გაფორმებით. მიღება-ჩაბარების აქტის გაფორმებისათვის მიმწოდებელი ვალდებულია წარუდგინოს შემსყიდველს შესაბამისი სამუშაოს შესრულების დასადასტურებლად საჭირო დოკუმენტაცია - ფორმა №2 და სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ მომზადებული საექსპერტო დასკვნა ხელშეკრულებით გათვალისწინებული სამუშაოების შესრულების თაობაზე (საექსპერტო დასკვნის ღირებულების ანაზღაურება განხორციელდება მიმწოდებლის მიერ, საკუთარი ხარჯით).

2. სამუშაოები შემოწმებას, მიღება-ჩაბარებას და მასთან დაკავშირებული დოკუმენტაციის გაფორმებას ახორციელებს შემსყიდველის შესაბამისი სტრუქტურული ქვედანაყოფის - ქონების მართვისა და ლოჯისტიკის სამსახურის უფროსი ან/და ამვე სამსახურის უფროსის მოადგილე ან ქონების მართვისა და ლოჯისტიკის სამსახურის უფლებამოსიანი სამსახურის უფლებამოსილი პირი.

მუხლი 6. შესყიდვის სამუშაოების შესაბამისობა

1. სამუშაოები უნდა შეესაბამებოდეს მსგავსი სამუშაოებისთვის დადგენილ სტანდარტებს, ხელშეკრულებაზე თანდართულ ხარჯთაღრიცხვას და შემსყიდველის მოთხოვნებს.

2. ამ მუხლის პირველ პუნქტში აღნიშნული მოთხოვნებიდან მიმწოდებლის მიერ ნებისმიერი გადახვევის შემთხვევაში შემსყიდველი უფლებამოსილია, არ მიიღოს სამუშაოები ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 7. მხარეთა უფლება-მოვალეობანი

1. მიმწოდებელი ვალდებულია:

ა) უზრუნველყოს ხელშეკრულების პირველი მუხლით გათვალისწინებული, სამუშაოების გაწევა, თანდართული ხარჯთაღრიცხვის და სტელაჟების ესკიზით შესაბამისად.

ბ) ხელშეკრულებით ნაკისრი ვალდებულებების შესრულება განხორციელოს ხელშეკრულებით გათვალისწინებული პირობების შესაბამისად;

გ) სამუშაოების განხორციელების პროცესში იხელმძღვანელოს ხელშეკრულების მე-6 მუხლის პირველი პუნქტში გათვალისწინებული მოთხოვნებით;

დ) მიმწოდებელი ვალდებულია, სამუშაოების წარმოებისას, უზრუნველყოს საქართველოს რეგიონული განვითარებისა და ინფრასტრუქტურის სამინისტროსა და საავტომობილო გზების დეპარტამენტის შეუფერხებლად ფუნქციონირება და თანამშრომლებისა და მოქალაქეების უსაფრთხოება და მათი შეუფერხებელი გადაადგილება;

ე) მიმწოდებელმა უნდა უზრუნველყოს სამუშაოების შესრულება სამშენებლო სფეროში მოქმედი წესებისა და ნორმების სრული დაცვით;

ვ) სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის, ახალი, ექსპლუატაციაში არ მყოფი და შეესაბამებოდეს ამ სფეროში აღიარებულ სტანდარტებს;

ზ) სამუშაოების შესრულების პროცესში გამოსაყენებელი მასალებისა და მოწყობილობების ვიზუალურ-ტექნიკური მახასიათებლები (ფაქტურა, ფერი და დიზაინი) თანხმდება შემსყიდველთან;

თ) მიმწოდებელმა მინიმუმამდე უნდა დაიცვანოს მუშაობით გამოწვეული ხმაურის, ვიბრაციის და მტვერის გავლენა;

ი) მიმწოდებელმა უნდა უზრუნველყოს სამშენებლო ნარჩენების დაგროვება/გატანა დადგენილი წესების შესაბამისად. აღნიშნულის დარღვევით დამდგარ შედეგებზე პასუხისმგებლობა ეკისრება მიმწოდებელს;

კ) მიმწოდებელი ვალდებულია სამუშაოების შესრულების პროცესში შემსყიდველისათვის მიყენებული მატერიალური ზარალი ანაზღაუროს ან/და აღმოფხვრას საკუთარი ხარჯებით;

ლ) მიმწოდებელი ვალდებულია სამუშაოების მიმდინარეობის პროცესი უზრუნველყოს შესაბამისი რესურსით, მათ შორის ადამიანური რესურსით, მოწყობილობებით, მასალებით და სხვ.;

მ) მიმწოდებელმა ობიექტზე უნდა დაიცვას/გააკონტროლოს საქართველოს კანონმდებლობით გათვალისწინებული უსაფრთხოების ზომები.

ნ) სამუშაოებზე, გაავრცელოს გარანტია, მიღება-ჩაბარების აქტის გაფორმების დღიდან არანაკლებ 2 (ორი) წლის განმავლობაში.

ო) მოახდინოს შემსყიდველის ინფორმირება ხელშეკრულებით განსაზღვრული ვალდებულებების შესრულებისას ყველა განსაკუთრებული გარემოების შესახებ;

პ) უზრუნველყოს საქართველოს კანონმდებლობით განსაზღვრული სხვა ვალდებულებების შესრულება.

2. შემსყიდველი ვალდებულია შეუფერხებლად აღნაზღაუროს მიმწოდებელს გაწეული სამუშაოების ღირებულება ხელშეკრულებით გათვალისწინებული ვადების და პირობების შესაბამისად.

მუხლი 8. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვნად შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატება. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორისარსებობის დამადასტურებელი დოკუმენტი და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 9. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1% არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის მე-2 პუნქტით განსაზღვრული შემთხვევებისა.

2. ხელშეკრულების მე-3 მუხლის პირველი პუნქტით განსაზღვრული სამუშაოების გაწევის ვადის დარღვევის შემთხვევაში, მიმწოდებელს დაეკისრება პირგასამტეხლო თითოეულ გადაგადაცილებულ დღეზე ხელშეკრულების ღირებულების 0.01%-ის ოდენობით. მიმწოდებელი ვალდებულია, ამ პუნქტით გათვალისწინებული პირგასამტეხლოს გადახდა უზრუნველყოს შემსყიდველის მოთხოვნიდან 5 (ხუთი) სამუშაო დღის ვადაში.

3. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველს უფლება აქვს, ცალმხრივად შეწყვიტოს ხელშეკრულება.

4. ამ მუხლის პირველი და მეორე პუნქტების საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს მიწოდებული სამუშაოების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

მუხლი 10. კონტროლი (ინსპექტირება)

1. ხელშეკრულებით განსაზღვრული ვალდებულებების შესრულების კონტროლი (ინსპექტირება) შემსყიდველის მიერ განხორციელდება ხელშეკრულების მოქმედების პერიოდში, ნებისმიერ დროს, შემსყიდველის მოთხოვნათა შესაბამისად.

2. ხელშეკრულებით გათვალისწინებული ვალდებულებ(ებ)ის შესრულების ინსპექტირებას ახდენს შემსყიდველის შესაბამისი სტრუქტურული ქვედანაყოფის – ქონების მართვისა და ლოჯისტიკის სამსახურის უფროსი ან/და ამავე სამსახურის უფროსის მოადგილე ან ქონების მართვისა და ლოჯისტიკის სამსახურის უფლებამონაცვლე სამსახურის უფლებამოსილი პირი.

მუხლი 11. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.

3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის ხელშეკრულების დანართის გაფორმების გზით.

4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება, თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 5%-ს;

ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) საქართველოს კანონმდებლობით გათვალისწინებულ სხვა შემთხვევებში.

მუხლი 12. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. იმ შემთხვევაში, თუ ხელშეკრულებით განსაზღვრული სამუშაოების გაწევის დროს ხელშეკრულების ღირებულებისა და ანგარიშსწორებიდან გამომდინარე ან რაიმე წინასწარ გათვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის, ფასების გადასინჯვის აუცილებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში. ცვლილებ(ებ)ის ან/და დამატებ(ებ)ის შეტანის ინიციატორი მხარე ვალდებულია, წერილობით შეატყობინოს მეორე მხარეს შესაბამისი დასაბუთებული ინფორმაცია.

3. ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

5. ხელშეკრულება რეგულირდება საქართველოს კანონმდებლობის შესაბამისად.

6. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

7. ხელშეკრულება შედგენილია ქართულ ენაზე, 2 (ორი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი - შემსყიდველთან და ერთი პირი - მიმწოდებელთან).

8. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 13. ხელშეკრულების მოქმედების ვადა

ხელშეკრულება ძალაში შედის ხელმოწერისთანავე და მოქმედებს 2019 წლის 31 დეკემბრის ჩათვლით. გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე (საგარანტიო პერიოდის სრულ დასრულებამდე).

შემსყიდველი:

მიმწოდებელი:

საქართველოს რეგიონული განვითარებისა

და ინფრასტრუქტურის სამინისტროს

გამგებლობაში არსებული სახელმწიფო

საქვეყნო დაწესებულება -

საქართველოს საავტომობილო გზების

დეპარტამენტი



ალექსანდრე თევდორაძე

შპს კაპიტელი



იაკობ მიგუა

Handwritten signatures of the representatives of both parties.

ხ ა რ ჯ თ ა ღ რ ი ც ხ ვ ა

№	სამუშაოს დასახელება	განზ.	რაოდ.	ღირებულება (ლარი)	
				ერთეული	მთლიანი
1	2	3	4	5	6
1	არსებული თაროების დემონტაჟი, მათ შორის;				
1.1	ლითონის თაროების დემონტაჟი და დასაწყობება ადგილზე. (მე-6 სართულიდან ჩამოტანა)	ტ	3.50	60.00	210.00
1.2	ხის თაროების დემონტაჟი (მე-6 სართულიდან ჩამოტანა) და გატანა ნაყარში	მ2	135	5.00	675.00
2	განათების მოწყობა დიოდური სანათებით (4 ოთახი)				0.00
2.1	დიოდური სანათის მონტაჟი (ზომა 60X60; სიმძლავრე არანაკლებ 70ვტ, განათებულობა LUX - 75; განათების ფერი 2700- 4000; ფერის აღქმის კოეფიციენტი CRI – 80)	ცალი	11	100.00	1100.00
2.2	ჩამრთველის მონტაჟი (როზეტებთან ერთად)	ცალი	6	35.00	210.00
2.3	როზეტის მონტაჟი	ცალი	6	20.00	120.00
2.4	სპილენძის კაბელის მონტაჟი (3x2.5მმ)	გრძ.მ.	70	5.00	350.00
3	ჭერის დამუშავება ფითხით და შეღებვა ორმაგად, თეთრი ფერის საღებავით	მ2	123	15.00	1845.00
4	ლამინირებული იატაკის მოწყობა	მ2	113	40.00	4520.00
5	თაროების მოწყობა არქივში მე-6 სართულზე (319.46მ2) ლითონის მილკვადრატების და ლამინატის მასალის გამოყენებით, მათ შორის;				
5.1	ლითონის მილკვადრატი (5.0X3.0X2.5მმ)	გრძ.მ.	2394.80	7.00	16763.60
5.2	ლამინატი თაროსთვის (სისქით 1.8მმ)	მ2	470.58	17.00	7999.86
6	არსებული შესასვლელი ერთფართიანი ხის კარის შეცვლა ლითონის კარით	ცალი	1	351.11	351.11
7	სავენტილაციო ღიობების მოწყობა				
7.1	არქივის ოთახებში არსებულ ფრამუგაში სავენტილაციო ღიობების (ცხურების) მოწყობა (40X40სმ)	ცალი	4	150.00	600.00
7.2	კიბის უჯრედში არსებულ მეტალოპლასტმასის ვიტრაჟში (VI სართული) ფანჯრის მოწყობა გადმოსაკიდიანი საკეტით და მწერებისგან დამცავი ბადით (120X120სმ)	ცალი	2	350.00	700.00
8	სახურავზე ჰიდროიზოლაციის მოწყობა "ტოლის" მასალის გამოყენებით	მ2	175	9.16	1603.00
9	თაროებზე ასასვლელად გადასადგილებელი კიბის მოწყობა მილკვადრატებით (ზომები 4.5X0.4მ)	ცალი	3	200.00	600.00
	სულ				37647.57
*	გაუთვალისწინებელი სამუშაოები - 3%				1129.43
	ჯამი				38777.00
	დღგ 18%				6979.86
**	მთლიანი ღირებულება				45756.86

*) აღნიშნული თანხის გამოყენება მოხდება მხოლოდ დამკვეთის (შემსყიდველის) ნებართვით, მისივე ინიციატივით ან მიმწოდებლის მიერ დასაბუთებული და არგუმენტირებული წინადადების განხილვისა და შეთანხმების საფუძველზე დამკვეთის (შემსყიდველის) სათანადო გადაწყვეტილების მიღების შემდეგ

არქივის თაროები უნდა აეწყოს ადგილზე, შენობის მე-6 სართულზე. მასალის ატანა უნდა მოხდეს კიბის უჯრედებიდან.

შპს "კაპიტელი"-ს დირექტორი


ი. მიგუა

ი. მიგუა




საპროექტო სამშენებლის არეალის დიდი
თიხები

მასიური კედლის მხარე




ფანჯრის მხარე




საპროექტო სამშენებლოს არევის
კატეგორია


მასიური კედლის მხარე



შესავლელი კარის მხარე




ფანჯრის მხარე



საერთო არქიტექტურის ოთახი (დერეფანი)


ფანჯრის მხარე




მასიური კედლის მხარე




მასიური კედლის მხარე




მასიური კედლის მხარე




საერთო არქიტექტურული
(გარეგნული)




ტხრის კედლის მხარე



ფანჯრის მხარე





შესასვლელი კარის კედლის მხარე






საერთო არევის ოთახი
(გასარეცხებელი)

მსოფლიო კედლის მხარე



ორმაგი შუა თარი 1



ორმაგი შუა თარი 2

